



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LOKUTHOMA LOKWENGEZA (FAL)**

**IPHEPHA LESIBILI (P2)**

**2021**

**IMITLOMELO: 70**

**ISIKHATHI: Ama-iri ama-2**

**Iphepheli linamakhasi ali-19.**

**YELELA**

1. Umfundi kufanele afunde ikhaseli ngokukhulu ukuyelela ngaphambi kobana aphenhule imibuzo.
2. Ungalingi ufunde iphepha lemibuzo loke. Qala ikhasi lokumunyethweko elisekhasini elilandelako bese utshwaya iinomboro zemibuzo ebuzweko ngeencwadi ozifundileko kilomnyaka. Ngemuva kwalapho, funda imibuzo le bese ukhetha leyo ofisa ukuyiphendula.
3. Iphepheli LINEENGABA EZINE:  

ISIGABA A:	Inovela	(35)
ISIGABA B:	Umdlalo	(35)
ISIGABA C:	Iindaba ezifitjhani	(35)
ISIGABA D:	Iinkondlo	(35)
4. Khetha IINGABA EZIMBILI uphendule ngazo.  
  
ISIGABA A: INOVELA  
Phendula YOKE imibuzo.  
  
ISIGABA B: UMDLALO  
Phendula YOKE imibuzo.  
  
ISIGABA C: IINDABA EZIFITJHANI  
Phendula YOKE imibuzo.  
  
ISIGABA D: IINKONDLO  
Phendula YOKE imibuzo.
5. Sebenzisa irhelo lokuhlola ukuqinisekisa bona yoke imibuzo uyiphendulile.
6. Landela imiyalo onikelwe yona ekuthomeni kwaleso naleso sigaba ngokuyelela okukhulu.
7. Tlola iinomboro zeempendulo njengombana zinjalo ephepheni lemibuzo.
8. Thoma isigaba ESINYE NESINYE ekhasini ELITJHA.
9. Isikhathi esiphakanyisweko sokuphendula isigaba ngasinye:  

ISIGABA A:	Pheze imizuzu ema-60
ISIGABA B:	Pheze imizuzu ema-60
ISIGABA C:	Pheze imizuzu ema-60
ISIGABA D:	Pheze imizuzu ema-60
10. Tlola ngesandla esihle nesibonakalako.

**IKHASI LETHEYIBULA LOKUMUNYETHWEKO:**

Abafundi bayeleliswa bona baphendule yoke imibuzo.

<b>ISIGABA A: INOVELA</b>		
<b>Phendula YOKE imibuzo.</b>		
<b>INOMBORO YOMBUZO</b>	<b>IMITLOMELO</b>	<b>INOMBORO YEKHASI</b>
1.1 <i>UBonakele</i>	18	5
1.2 <i>UBonakele</i>	17	6
<b>ISIGABA B: UMDLALO</b>		
<b>Phendula YOKE imibuzo.</b>		
2.1 <i>Umngani</i>	17	8
2.2 <i>Umngani</i>	18	10
<b>ISIGABA C: IINDABA EZIFITJHANI</b>		
<b>Phendula YOKE imibuzo.</b>		
3.1 'Kanti kunje'	18	12
3.2 'Baba-ke'	17	14
<b>ISIGABA D: IINKONDLO</b>		
<b>Phendula YOKE imibuzo.</b>		
4. 'Mbizo yokuthula'	17	16
5. 'Licimile ilanga'	18	18

**IRHELO LOKUQINISEKISA**

Tlola itshwayo (✓) erhelweni lokuqinisekisa elilandelako ukuhlola bona uphendule YOKE imibuzo elindelekileko.

<b>ISIGABA</b>	<b>IINOMBORO ZEMIBUZO</b>	<b>INANI LEMIBUZO EZOKUPHENDULWA</b>	<b>ITSHWAYO (✓)</b>
<b>ISIGABA A:</b>			
UMBUZO 1.1	1.1.1–1.1.11	<b>2</b>	
UMBUZO 1.2	1.2.1–1.2.11		
<b>ISIGABA B:</b>			
UMBUZO 2.1	2.1.1–2.1.11	<b>2</b>	
UMBUZO 2.2	2.2.1–2.2.11		
<b>ISIGABA C:</b>			
UMBUZO 3.1	3.1.1–3.1.11	<b>2</b>	
UMBUZO 3.2	3.2.1–3.2.11		
<b>ISIGABA D:</b>			
UMBUZO 4	4.1–4.11	<b>2</b>	
UMBUZO 5	5.1–5.10		

**ISIGABA A: INOVELA**

Phendula YOKE imibuzo.

**UMBUZO 1: UBONAKELE – M Sikosana**

1.1 Fundisisa itheksthi engenzasi bese uphendula imibuzo elandelako.

**ITHEKSTHI A**

UNduku noSponono bavumelene ngalizwi linye lokobana khebamlise akhe ahlumahlume uBonakele. UBonakele sele aqede iinyanga ezimbili namalangana ahlala lapha esikorokorweni sakhe. Sele aziphendule inyamazana. Ikomo edla yodwa. Nanyana abanye gade basithi lihlanya nje, kodwana abanye khabe bamzwela ubuhlungu kodwana abanye babuye 5  
bacabange bonyana sigebengu. Emva kwamalanga akhange kusamkhambela kuhle uBonakele. Nje-ke uzihlalele ngekoloyini uyacabanga, 'Izulu gade lina imini yoke namhlanje. Abantu akhange bangithengele litho. Qala khona nje imali engiyiphetheko, matjheleni ambalwa kwaphela nje.

Kusasa lilanga lokuphumula. Nje-ke ngiyazi bonyana nangiya ngesitetjhini 10  
ngithi ngiyokuthengisa, ngizabe ngizitshwenya nje ngombana akekho umuntu ozangithengela. Bambalwa abantu esitetjhini kusasa. Namahabhula wami la selathoma ukubola. Nje-ke ngabe ngithi ngizawathengisa ngemali ephasi kodwana ngiyazi bonyana amasokana engithengisa nawo esitetjhini ngekhe 15  
avume bona ngithengise ngemali ephasi ngombana ayazi bonyana abantu boke bazakuthenga kimi kwaphela, singararana kumbi. Bazwana nokulwa banjalo nje.'

UBonakele akhange azi bonyana uzakwenzani kodwana wabona bonyana ukucabanga khulu ngekhe kwamsiza ngalitho. Nje-ke wagoma amahabhula amabili nakaqeda lapho wazilalela. Kwathi phakathi kwamabili uBonakele 20  
wabhudanga. Ibhudangweli ngelithusako kwamambala. Wabhudanga amapholisa wabantu abanzima amgijimisa athi webile kodwana wawatjhiya akhange amfumane.

[Ikhasi 21–22]

- |     |       |  |     |
|-----|-------|--|-----|
| 1.1 | 1.1.1 | Tlola umsebenzi ebe wenziwa nguBonakele esitetjhini.   | (1) |
|     | 1.1.2 | Veza isizathu esenza bona uBonakele akhambe kwabo.   | (1) |
|     | 1.1.3 | Tlola bona ngubani unina likaBonakele begodu ubuya kiyiphi indawo?   | (2) |
|     | 1.1.4 | Veza umehluko phakathi kwepilo kaBonakele lokha asahlala kwabo noNaSilombo nalokha ahlala kwaMbuyiseli.  | (2) |
|     | 1.1.5 | Rhunyeza unobangela owenza bona uBonakele angafuni ukulwa noNduku noSponono lokha nakahluka ibhesi eDaveyton.  | (1) |
|     | 1.1.6 | Hlathulula bona amagama kaNduku noSponono athi, 'khebamlise akhe ahlumahlume uBonakele' asivezelani ngebakuhlosileko? Ipendulwakho ayibe liphuzu ELILODWA. | (2) |

- 1.1.7 Ucabanga bona beyiyini ihloso yomtlozi yokusebenzisa umnakwabo kaMahlangu uSigwadi enovelini le? Ipendulwakho ayibe liphuzu ELILODWA. (1)
- 1.1.8 Phendula isitatimende esingenzasi NGOLIQINISO nofana AKUSILO IQINISO bese usekela isiquanto osithathako ngephuzu ELILODWA.
- UMahlangu bekangamthandi uBonakele ngombana azange alinge ukumsiza lokha nakamtjela ngomraro aqalene nawo kwabo. (2)
- 1.1.9 Khetha ipendulo enembako kezilandelako.
- Ukusuka kwakaBonakele kwabo aziphe inarha aneminyaka eli-12 kumveza amlingisi:
- A Obonakala anesibindi.  
B Ongazithandiko.  
C Odinwe kutlhoriswa.  
D A no C. (2)
- 1.1.10 Coca ngokuphumelela komtlozi ukusethulela isingeniso senovela le. (2)
- 1.1.11 Coca uveze amazizwakho bona umukghwa kaNduku noSponono wokuthanda ukulwa nabantu abangabaziko uyamukeleka esikhathini esiphila kiso namhlanje? Ipendulwakho ayibe liphuzu ELILODWA. (2)
- 1.2 Fundisisa itheksthi engenzasi bese uphendula imibuzo elandelako.

**ITHEKSTHI B**

Umphathi wakhe akhange athande ukona isikhathi sakaBonakele. Wamfaka esiqhemeni sababhadlwako kezamaguduva. Kwamthokozisa khulu lokho uBonakele. Kwaduma iDaveyton yoke bonyana uBonakele sele angomunye wabalwela unongorwana kezamaguduva. Abanye bamfisela itjhu kodwana abanye abangamthandiko njengoSponono noNduku khabe bafisa ngathana uBonakele angekhe aphumelela.	5
Kwathi ngemuva kwesikhathi esincani nje kwezwakala emaphepheni nemirhatjhwani bonyana uBonakele Mahlangu uzokubethana nesokana elivela ngaphetjheya kwamalwandle. Bazokubanga unongorwana wephasi kezamaguduva kilabo abasebangeri eliphakathi. 'Bonakele namhlanjesi uyindoda emadodeni, kodwana okunengi sizakukhuluma ngemuva kobana sewuluhlulile isokana ozokubethana nalweli ngenyanga esizoyithoma le. Ngiyathemba nawe sewuyazizwa neengazini bonyana uzaluhlula. Akusinjalo ndoda?' kwabuza uKiller.	10
'Ngifisa ngathi ngabe sibethana khona kusasa lokhu okusako! Gade ngililindile ithuba elifana naleli. Namhlanjesi nami ngiyazizwa nanyana ngilele bonyana ngiyindoda emadodeni. Abadala baqinisile nabathi ubudoda abukhulelwa. Namhlanje ngimi lo okusele kutlolwa ngaye emaphepheni nosele aziwa kiyo yoke inarha njengekutani esakhulako,' Kwatjho uBonakele ngokukhombisa ukuthaba okukhulu.	15 20

'Lokho sikuzwa ngawe bonyana uyikutani esakhulako ngombana thina esikwaziko kukobanyana ngenyanga ezako mhlana amalanga alitjumi nahlanu, uzabe uyikutani yephasi. Sikhuluma nje baphi aboGeorge, abo-DD Bush, naboFalakhona Mpisi, ngingabala ngithini nje mina, akusuwe owabavusa phasi ethulini?'

25

[Ikhasi 21–22]

- 1.2.1 Tlola amagama wabantu ABABILI uBonakele abahlula ezipini zakhe zangaphambilini. (2)
- 1.2.2 Veza isizathu esenza bona uKiller afune uBonakele eze esiqhemeni sabo samaguduva. (1)
- 1.2.3 Tlola bona uBonakele uyokulwela muphi unongorwana epini yezamaguduva ayoyilwa nomswa ovela ngaphetjheya kwamalwandle lo. (1)
- 1.2.4 Rhunyeza okufanako phakathi kwakaNduku noSponono nabesana ebathengisa esitetjhini. (2)
- 1.2.5 Rhunyeza bona uMahlangu wazi njani bona uBonakele uyokulwa ipi noDuke Hudson. (1)
- 1.2.6 Hlathulula isehlakalo esiveza irarano lokha uNaMndebele nakasebenza eJwanasbhege bewutjho nokobana mhlobo bani werarano. (2)
- 1.2.7 Sekela isitatimende esingenzasi ngephuzu ELILODWA.  
Enovelini le kuvezwe ikolelo evangileko. (2)
- 1.2.8 Phendula isitatimende esingenzasi NGOLIQINISO nofana AKUSILO IQINISO bese usekela isiquanto osithathako ngephuzu ELILODWA.  
UBonakele wahlala kamnandi khulu emzini wakwaMthimunye lapha bekaqatjhe khona. (1)
- 1.2.9 Ucabanga bona uyini umngqopho womtlozi wokwenza bona uKiller afake uBonakele esiqhemeni sabadlali ababhadelwako? (2)
- 1.2.10 Ngokubona kwakho, ukuthumba kwakaBonakele kuyokuba namuphi umphumela emndenini wakwabo kwaMahlangu. Ipendulwakho ayibe liphuzu ELILODWA. (1)
- 1.2.11 Coca ngommoya ozwakaliswa yinovela ethi uBonakele. Ipendulwakho ayibe liphuzu ELILODWA. (2)

**IMITLOMELO YESIGABA A: 35**

**ISIGABA B: UMDLALO**

Phendula YOKE imibuzo.

**UMBUZO 2: UMNGANI – ST Nkambule**

2.1 Fundisisa itheksthi engenzasi bese uphendula imibuzo elandelako.

**ITHEKSTHI C**

*(Ngemva kwamalangana. UMLakana nabakhozi bakhe bahlangene ekhabo-Oscar. Baditjhe ngerhayisini bayabonisana. U-Oscar ubenzele nencalumo bayarhamula.)*

UBUSI:	<i>(Athabile abala imali.)</i> Bakwethu nokho sisebenzile. Ngamalangana amadlwana la, sikghone ukubuthelela imali engangekulungwana yinye namakhulu abunane wamaranda.	5
U-OSCAR:	<i>(Arhamule kanye incalumo.)</i> Iye sisebenze kwamambala, begodu nasingaragela phambili ngokubawa umnikelo, singayihlanganisa imali uMlakana angazitlolisa ngayo.	
UMLAKANA:	Ngabe sesiyihlanganisile imali, ingathana bekungasibo labantu ebegade basithembisa bona sibuye nini ukuzokuthatha imali, nasele sibuyela singasabafumani emizini yabo. <i>(Arhamule kanye.)</i>	10
U-OSCAR:	Basonele khulu isikhathi abantu labo.	
UBUSI:	Enjephana Mlakana uthe kumele sihlanganise malini, ukuze ukghone ukuzitlolisa? <i>(Arhamule kanye.)</i>	15
UMLAKANA:	<i>(Arhamule kanye)</i> Kufuneka iinkulungwana ezine namakhulu amahlanu wamaranda.	
UBUSI:	<i>(Aphele amandla)</i> Ngasuthi umsebenzi ekufanele bona siwenze, usesemnengi khulu nje?	20
U-OSCAR:	<i>(Ngokuphela amandla.)</i> Usesemnengi khulu Busi, abosomarhwebo laba abakuphi umnikelo ngendlela ebegade ngidlumbana bona bazokukhupha ngayo.	
UBUSI:	<i>(Aphele amandla.)</i> Ngasuthi sizabe sikhohlwe ngendaba yokubawa umnikelo.	25
UMLAKANA:	<i>(Angakhohlwa.)</i> ini Busi? Asikwazi ukutlhera sesikhambe kangaka. Into ekufanele bona siyenze gadesi kubekezelela obunye nobunye ubujamo esihlangabezana nabo. Akukafaneli bona sithabise izitha. Nasibhalelwako izitha zethu zizokuthaba tle, begodu siyokubonakala njengabantu abangakathembeki ebantwinaba abasikhiphele umnikelo.	30
U-OSCAR:	<i>(Avuma nangehloko.)</i> Unembile lapho Mlakana. Ebantwini abasikhuphele umnikelo esiwuphetheko lo sizokubonakala njengemiguludu, begodu nangelanga lomhlolo, angekhe basasisiza, ngombana bazabe sebasibona njengabantu abangathembekiko.	35
UBUSI:	Alo siyokwenza njani ukuze sikghone ukuhlanganisa iinkulungwana lezo ezifunekako?	



UMLAKANA:	Nangabe asikghoni ukuhlanganisa yoke imali esiyifunako, akunamraro siyraga ngokubawa imali yomnikelo, ngubani owaziko, mhlamunye singaba netjhuu sifumane imali ubusika bungakafiki. Ngalokho kuzakuthi nakuthoma amatlasi webusika izabe seyihlangene bese nami ngiyozitlolisa ( <i>Arhamule kanye.</i> )	40
U-OSCAR:	Alo Mlakana ngombana sinoBusi sizokukhamba kungasikade, sizokusiza njani singekho?  ( <i>Bathe bangakaphenduli umbuzo ka-Oscar, kwalila ufunjwathwako wakhe u-Oscar. Uwuphendulile waphumela ngaphandle. Ngemva komzuzwana ungene ngendlini sele ahlekela phezulu. UMlakana banoBusi bebarareka bonyana umnganabo unghwaywa yini kangaka ikhwapha.</i> )	45  50

[Ikhasi 36–37]

- 2.1.1 Tlola indawo lapha abadlalaba bahlanganele khona. (1)
- 2.1.2 Veza inani lemali esele ibuthelelwe etheksthini engehla. (2)
- 2.1.3 Hlathulula ihloso yokubuthelela imali ekukhulunywa ngayo le. (2)
- 2.1.4 Ngokurhunyezweko hlathulula okufanako ngabantu abatjha ebavezwe etheksthini engehla. (2)
- 2.1.5 Ucabanga bona uyini unobangela owenza bona abadlalaba bafune ukufunda isikolo kangaka? Ipendulwakho ayibe liphuzu ELILODWA. (2)
- 2.1.6 Umtloli usebenzise abadlali abambalwa ukulinga ukusethulela akuhlosileko. Ucabanga bona umtloli bekalinga ukusifundisani ngoMlakana no-Oscar njengabangani? Ipendulwakho ayibe liphuzu ELILODWA. (2)
- 2.1.7 Phendula ngoLIQINISO nofana AKUSILO IQINISO bese usekela isiqu nto osithathako.  
  
Kube ekhabo Mlakana bebanayo imali yokumfundisa bengekhe agcina sele enza izenzwezi. (2)
- 2.1.8 Coca ngesizinda sesikhathi somdlalo lo. (2)
- 2.1.9 Tshwaya ngelihlo elibukhali isingeniso somdlalo lo. Ipendulwakho ayibe liphuzu ELILODWA. (2)

## 2.2 Fundisisa itheksthi engenzasi bese uphendula imibuzo elandelako.

**ITHEKSTHI D***(Ebumnandini uSello uditjhe noKhabo kuyagonywa.)*

- UKHABO: (Agoma) Namhlanje wakhamba wedwa, uphi umkhozakho uMlakana?
- USELLO: Impintji isaye esikolweni.
- UKHABO: Ngokurhaba okungaka uyifumanephi imali leyo? Ngombana 5  
ngizwe bathi yinengi imali efunekako yokuzitlolisa kwaphela.
- USELLO: (Aphosele umgomo) Impintji iyarhereza.
- UKHABO: Umlakana udlala ngemali nangesikhathi sakhe.
- USELLO: (Ngokurareka) Udlala ngaso nakenzani?
- UKHABO: Udlala ngaso nakathi uyokufunda. Kungani angasebenzi nawe, 10  
ngombana naku lokhu okwenzako kuyakuphilisa?
- USELLO: Epilweni angeze saphiliswa yinto yinye soke, ngombana asikabelwanga ngokufanako.
- UKHABO: Nanyana kunjalo. Ifundo ngiyayazi idla imali enengi khulu nesikhathi simahla. 15
- UKHABO: (Amqale ngemehlweni) Khabo ungathi nakunento ongayigomiko, bese ufuna boke abantu bangagomi lokhu wena othi awukugomi.
- UKHABO: Unqophe ukuthini ngekulumo leyo?
- USELLO: Ungathi wena nawuhloye ifundo, bese ufuna boke abantu 20  
bayihloye. Nasibabantu asiyi hlangothi linye, asisimamanzi.
- UKHABO: Angikuzwa kuhle bona ulinga ukuthini ngekulumo yakho leyo?
- USELLO: Epilweni kumele wamukele lokhu okwenzako, useke nalokhu okwenziwa ngabanye abantu ngaphandle kokutjheja bonyana lokho wena uyakuhloya nofana uyakuthanda. 25
- UKHABO: (Aziba.) Uthi uyamsekela umnganakho.
- USELLO: Angisekeli umngani kwaphela. Liqiniso lento engiyikhulumako. Banengi abantu abaphiliswa yifundo, begodu banengi abaphiliswa kuzisebenza. Qala wena uyaphila ngokuzisebenza. Alo uMlakana angahlulwa yini ukuphila ngefundo ayithandako? 30
- UKHABO: Uwathethe woke amezwami.
- USELLO: Ngiyathaba nawamukelako lokhu engikutjela khona. (Athulathule) Khabo ngombana ngibona irhwebo lakho likhamba kuhle khulu, kungaba njani nasingasebenzisana sinawe?

[Ikhasi 48–49]

- 2.2.1 Tlola into uBusi abona ngathi uMlakana udlala ngayo nakathi uyokufunda. (1)
- 2.2.2 Hlathulula bona uyokwenzani uMlakana ngemali ayinikelwe nguSello. (1)
- 2.2.3 Ngokurhunyezweko hlathulula iqhinga lakaSello elizokwenza bona irhwebo lakaBusi lithuthuke. Ipendulwakho ayibe liphuzu ELILODWA. (2)

- 2.2.4 Tlola okubonakala kufana phakathi kwendlela uKhabo noSello ebaphila ngayo. Ipendulwakho ayibe liphuzu ELILODWA. (1)
- 2.2.5 Hlathulula isiqu nto esathathwa nguMlakana ngabadlali abalandelako emva kobana azi bona bayathandana.
- (a) UBusi (1)
- (b) U-Oscar (1)
- 2.2.6 Phendula isitatimende esilandelako ngoLIQINISO nofana AKUSILO IQINISO. Sekela isiqu nto osithathako ngephuzu ELILODWA.
- USello uvezwe amngani wamambala epilweni yakaMlakana. (2)
- 2.2.7 Ucabanga bona isenzo sakaMlakana sokukhuthaza uBusi bona arhulule umbungu sisitjelani ngobudlelwano bakhe noBusi? (1)
- 2.2.8 Ucabanga bona uyini ummongondaba womdlalo lo? Ipendulwakho ayibe maphuzu AMABILI. (2)
- 2.2.9 Hlathulula bona unjani ummoya womdlalo lo. Ipendulwakho ayibe liphuzu ELILODWA. (2)
- 2.2.10 Ngokubona kwakho ucabanga bona ngisiphi isifundo osithole emdlalweni lo? (2)
- 2.2.11 Ingabe UYAZWELANA nofana AWUZWELANI noMlakana nawuqalise khulukhulu esiphethweni somdlalo lo. (2)

**IMITLOMELO YESIGABA B: 35**

**ISIGABA C: IINDABA EZIFITJHANI**

Phendula YOKE imibuzo.

**UMBUZO 3: PHOSA AMEHLO – NJ Msiza nabanye****3.1 'KANTI KUNJE?' – NJ Thamana**

Fundisisa itheksthi engenzasi bese uphendula imibuzo elandelako.

**ITHEKSTHI E**

'Utjho indawo yakwaSabetha ithule ithe du. Kubetha ummoya. Nokho nawuthi uveza ihloko kwangathi izakuphadlhuka ngebanga lamakhaza. Kuba buhlungu kimi nginguNgombi ngombana ngihlala ngingedwa. Akunatjhadana lomntwana. Nakukunamhlanjesi ngiphakanyelwa ziinhluthu. Kunani kwamapha? Asazi kubudisi.'

5

'Khabe kukuhle ngisazihlalela nomkami uSabetha. Alo sele aziyela kiboyisemkhulu. Kwaba kumbi ngombana nolilako azange sibe naye. Ungafunda, ubenemali begodu uhlale kamnandi kodwana akusimnandi ukugedeka nesithabathaba sendlu uwedwa.' Sililo sikaNgombi sele athatha umhlalaphasi.

10

Bekangumarhastrada wekhotu yangeKutupu. Nakuhlongakala ababelethi bakhe wasala atjheja nomuzi wekhabo ngombana ijarada ihlangene. Ubalabala nje umntwana kadadwabo wakhetha ukuthi angakhamba nonina emendweni asale ekhaya. Umlonyana wase waba livila khangе аqinise ngeencwadi.

15

Namhlanje uzithwesa ngedolo. Umkakhe uNaphambani ugega nemirholo. Sele azidobhela nevenyana yokuthwala okuthengiswako. NakunguMlonyana yena utorhatorha evikilini elibaza ifenitjhara ePhogwana. Nakarholileko uzamuzwa ngetjhada asavela kude. Nesandla unaso. Umkakhe wabalekisa abentwana wayobabeka ekhabo asilingwa kungabi neenhloni kwendoda yakwakhe.

20

Nokho uNaPhambili uyalitjheja iqhegu elingumalume wabo. Endlini yalo uzibona phasi. UmkaMlonyana yikukhu. Njengoba uNgombi aphila ngokusela imitjhoga, uyamphekela amtjhiyele ukudla, ambekele kuhle nemitjhoga azayisela. Nabomakhelana badlula bathokoza ngesenzo lesi. UNgombi akahlalwa yipukani. Uyambona bonyana nayisese nguye bekanejamo. Okumenza asabe kukobana namhlanje uyedwa.

25

[Ikhasi 61-62]

3.1.1 Hlathulula ubujamo bezulu bamhlana uNgombi abulawa babantu.

(1)

3.1.2 Ngubani umkaNgombi begodu uphi njengombana uNgombi ahlala yedwa nje?

(2)

- 3.1.3 Hlathulula ngokurhunyezweko bona uNgombi wayithola njani imali esele imbangele bona abulawe le. Ipendulwakho ayibe liphuzu ELILODWA. (1)
- 3.1.4 Ngokurhunyezweko hlathulula indlela umkaMlonyana atjheja ngayo uNgombi. Ipendulwakho ayibe liphuzu ELILODWA. (2)
- 3.1.5 Hlathulula umsebenzi owenziwa ngumkaMlonyana endatjaneni engehla le. Ipendulwakho ayibe liphuzu ELILODWA. (1)
- 3.1.6 Ngewakho umbono ucabanga bona umtloli ulinga ukusivezelani ngokubulawa kwakaNgombi endatjaneni engehla le. Ipendulwako ayibe liphuzu ELILODWA. (1)
- 3.1.7 Ucabanga bona uvezwe amlingisi onjani uMlonyana kilendatjana? Ipendulwakho ayibe maphuzu AMABILI. (2)
- 3.1.8 Phendula isitatimende ngoLIQINISO nofana AKUSILO IQINISO bese usekela ipendulwakho ngamaphuzu AMABILI. (2)
- UmkaMlonyana umumuntu ohlakaniphileko. (2)
- 3.1.9 Ucabanga bona uyoba yini umphumela njengoba kutholakele umalidenini emva kokubulawa kwakaNgombi? Ipendulwakho iqalise kokulandelako:
- (a) Ephenyweni lamapholisa.
- (b) Isilelesi esibulele uNgombi. (2)
- 3.1.10 Ngokubona kwakho ucabanga bona ngikuphi uNgombi ebekufanele akwenze emva kokuthatha umhlalaphasi ukuze ahlale aphephile? Ipendulwakho ayibe maphuzu AMABILI. (2)
- 3.1.11 Tshwaya ngelihlo elibukhali ngommoya ovela endatjaneni le? Ipendulwakho ayibe liphuzu ELILODWA. (2)

## 3.2 'BABA-KE' – NJ Msiza

Fundisisa itheksthi engenzasi bese uphendula imibuzo elandelako.

## ITHEKSTHI F

Lona iqhegu sele laziyela kiboyisemkhulu. Abantwana bangakhula umbelethi usala ayedwa kwangasuthi azange akhe abelethe. Ugogo kaNkululeko naye abentazana bakwakhe bendile, amadodana nawo ayozakhela eMhluzi esigoga. Nasingekho isizukulwana sakhe kuthula kuthi du! Ukufunda akupheli, khulukhulu nasele kuvela izinto ezithusako. Malwele, zizenzo 5 ezithusako njengokukata, ukubulala ngesihluku nezinye ezinengi.

Njengomntazanyana osesemncani, uNkululeko yena usuthatha ukuthi nawufundako uba nalapha uyokujama khona ungasafunda. Bathe sele bangematlasini bezwa ngesimbi ebiza woke umfundi bonyana atjhinge eholweni. Nabo bezamaphilo besele bavela nge-ofisini likatitjherehloko 10 barhabele eholweni. Ngemva kokuthandaza besele kunanyathiselwe iinthombe zabantu abathusa khulu. Bathome ngokurhaba abahlengi ngeseyileliso abeze ngaso. 'Gogo! Mina ngithukwe khulu namhlanjesi esikolweni. Besele ngisithi sizakhe siphumule ngombana liyasa liyatjhinga sitjelwa ngobulwele bentumbantonga kwanjesi sele sithi siphumelele kanti 15 sidlalile.'

Ahluthululele ugogwakhe ngobulwele obutjha osele budlule namaphilo wabantu abanengi. Ugogwakhe avele athi: 'Bathomile nje ningomasubalalela azinyezi banamanga.' UNkululeko alinge ngamandla abonise ugogwakhe. Atjho nokuthi bakhe, khona endaweni yekhethu le bungasahlela ubulwelobu 20 obubizwa nge-Ebola. 'Ngalokho-ke kufanele omunye nomunye ahlale asazi ukuthi ngelinye lamalanga angazithola anabo. Nabomabonwakude sele baveza iinarha zangaphandle esele zineembalobalo zabantu abagoduswe ngibo.'

[Ikhasi 22]

- 3.2.1 Tlola izinto EZIMBILI ezithusako ezibalwe etheksthini engehla esele zikhona amalanga la. (2)
- 3.2.2 Tlola igama lendawo la kwakhe khona amadodana kagogo kaNkululeko. (1)
- 3.2.3 Rhunyeza ngephuzu ELILODWA okwenziwa ngeholweni ngaphambi kobana abahlengi banikele abafundi isiyeleliso ebebeze ngaso. (1)
- 3.2.4 Veza okufanako okwenziwa nguNkululeko nogogwakhe ngemva kokuzwa indaba ye-Ebola. (2)
- 3.2.5 Tlola itshwayo LINYE lobubulwele be-Ebola. (1)

- 3.2.6 Madanisa okufanako nokungafaniko phakathi kwe-Ebola nentumbantonga. (2)
- 3.2.7 Ucabanga bona uyini unobangela owenza bona abantu bazithole baseenarheni zangaphandle ngaphandle kokuyokufuna umsebenzi? Ipendulwakho ayibe liphuzu ELILODWA. (2)
- 3.2.8 Ingabe isenzo sakaNkululeko sokuthathela indaba yobulwelobu phezulu angayibetheli mthlazini simveza amlingisi onjani? Ipendulwakho ayibe liphuzu ELILODWA. (1)
- 3.2.9 Phendula isitatimende esingenzasi ngoLiqiniso nofana Akusilo iqiniso bese usekela isiqunto osithathako ngephuzu ELILODWA. (2)
- Ubulwele be-Ebola buthathelana lula ukudlula intumbantonga. (2)
- 3.2.10 Coca ngommoya otholakala endatjaneni le. (1)
- 3.2.11 Tshwaya ngesizinda sendatjana le ngaphasi kwesikhathi. Ipendulwakho ayibe liphuzu ELILODWA. (2)

**IMITLOMELO YESIGABA C: 35**

**ISIGABA D: IINKONDLO**

Phendula YOKE imibuzo.

**UMBUZO 4**

Fundisisa ikondlo engenzasi bese uphendula imibuzo elandelako.

**MBIZO YOKUTHULA – MS Ntuli**

- 1 Mbizo yeentjhabatjhaba zeSewula Afika,
- 2 Ngikubiza ngebizo
- 3 Ngingasililitho ephasini;
- 4 Ngithi ndabezitha!
- 5 Mbizo yokuthula,
- 6 Mbizo yecolo,
- 7 Ngithi bayethe kuwe.
- 8 Mbizo, sisahlele isivunguvungu,
- 9 Nakusililo sitjhile,
- 10 Kusele umlomo ukukhamisa,
- 11 Kusele imikhonto ehloko;
- 12 Iphaphu liphaphela phezulu,
- 13 Ihloko itjhuguluka yodwana,
- 14 Umzimba uqale emva.
- 15 Mbizo, umzimba urabhalele,
- 16 Ubuqopho bubethwa mmoya,
- 17 Ikhakhayi litjhiswa lilanga,
- 18 Amehlo aqalele futhi
- 19 Amatjhiya akasawagubuzi;
- 20 Khona bekazawagubuza yimbiza?
- 21 Umzimba uqale emva.
- 22 Mbizo, ngikutjela ngepilo,
- 23 Ivinyilika amanzi sengamdzwela,
- 24 Ubusuku senga yimini,
- 25 Imini senga busuku,
- 26 Umphako awugonywa mntwana,
- 27 Umuntu umilele omunye iimpondo,
- 28 Urharhula senga yingwe.
- 29 Mbizo, wena uzokuthanyela,
- 30 Uhlanganise iinkonjani neentakana;
- 31 Uhlanganise amagwigwi nabojojo,
- 32 Uhlanganise amakhozi namazuba,
- 33 Ududuze abahlolo,
- 34 Ududuze abahlolokazi,
- 35 Udunduzele iintandani.
- 36 Mbizo ngawe sithi:
- 37 Mkhulu wakwaMandela, ...



- 4.1 Tlola ivumelwathoma etholakala emudeni wesi-2 newesi-3 yokuthoma yekondlo engehla le. (1)
- 4.2 Veza bona ngeyani imbizo ekukhulunywa ngayo le ekondlweni engehla le. Qalisa ipendulwakho endimeni yokuthoma ibe maphuzu AMABILI. (2)
- 4.3 Tlola bona umuda olandelako umumethe buphi ubukondlo.  
'Mbizo, sisahlele isivunguvungu' (1)
- 4.4 Rhunyeza umqondo omunyethwe mumuda we-4 newe-7. (1)
- 4.5 Nikela isirhunyezo salokhu okutjihiwo mimida elandelako.  
'Ududuze abahlolo  
Ududuze abahlolokazi' (2)
- 4.6 Hlathulula isivunguvungu ekukhulunywa ngaso endimeni yesi-2 yekondlo le. (1)
- 4.7 Ngewakho amagama hlathulula okutjihiwo mumuda elandelako.  
'Iye, nanyana iinhliziyi zibibhelene' (2)
- 4.8 Ucabanga bona uyini umnqondo omunyethwe mimida elandelako.  
'Uhlanganise amagwigwi nabojojo,  
Uhlanganise amakhozi namazuba' (2)
- 4.9 Hlathulula ihloso yembongi yokusebenzisa isithombengqondo sesimanyaniso endimeni ezinengi zekondlo le. (2)
- 4.10 Ngokubona kwakho imbizo ekhulunyiswa ekondlweni le iyiphumelelise kangangani ihloso yayo ngabantu beSewula Afrika? Sekela ipendulwakho ngephuzu ELILODWA. (1)
- 4.11 Coca ngokuphumelela kwembongi ukusivezela ummoya wekondlo engehla le. (2)

**[17]**

**UMBUZO 5**

Fundisisa ikondlo engenzasi bese uphendula imibuzo elandelako.

**LICIMILE ILANGA – A Mnguni**

- 1 Besihlezi kamnandi,
- 2 Sifukanyelwe nguwe,
- 3 Singezwa amakhaza,
- 4 Singezwa lothe.
- 5 Gadesi akusesenjalo,
- 6 Ilanga licimile,
- 7 Licimile ilanga.
- 8 Isitjhaba soke savelelwa,
- 9 Kwahlaluka bona ngeze
- 10 Kwaphilwa.
- 11 linhliziyo zarhohlomela,
- 12 Zigubuzeswe budisi bephasi,
- 13 Amehlo asala amlambokazi.
- 14 Sizakulibala njani
- 15 Ilothe liziphe amandla nje?
- 16 Lizakukhandelwa ngubani
- 17 Isitjhaba sibuthakathaka nje?
- 18 Ngawe savuka ebuthongweni,
- 19 Ngawe indlela yakhanya,
- 20 Yakhanya kanye tere!
- 21 Sakwazi ukuphila, sagadanga
- 22 Siqale phambili umkhanyo ukhona.
- 23 Gadesi uphi?
- 24 Besihlezi kamnandi
- 25 Singazi bona liyokufika ilanga,
- 26 Ilanga ngitjho eliginya nelanga
- 27 Isitjhaba sisale sisodwa.
- 28 Gadesi siyazi ngombana
- 29 Licimile ilanga.

- 5.1 Tlola bewuthalele umhlobo wevumelwano etholakala emudeni wesi-2 newesi-3 ekondlweni engehla. (2)
- 5.2 Tlola ubukondlo OBUBULI obutholakala emudeni wama-21 wekondlo engehla le. (2)
- 5.3 Rhunyeza izinto EZIMBILI abantu abasekondlweni ebebazithola lingakacimi ilanga. (2)
- 5.4 Veza bona bobani laba abalila ngokucima kwelanga ekondlweni engehla le. (1)

- 5.5 Hlathulula imiqondo emunyethwe magama athalelweko emudeni olandelako.  
'Ilanga ngitjho eliginya nelanga' (2)
- 5.6 Ucabanga bona ngiliphi ilothe imbongi ekhuluma ngalo ekondlweni le?  
Ipendulwakho ayibe liphuzu ELILODWA. (1)
- 5.7 Hlathulula umhlobo wesithombengqondo esisetjenziswe yimbongi emudeni  
we-13 wekondlo engehla le. (2)
- 5.8 Igama elithi, 'umkhanyo' elisetjenziswe emudeni wama-22 lisijameleli. Tlola  
bewuhlathulule bona lijamele ini? Ipendulwakho ayibe liphuzu ELILODWA. (2)
- 5.9 Coca ngokuphumelela kwembongi ukusivezela ubudlelwano obufakazela  
bona ikosi yikosi ngesitjhaba. Ipendulwakho ayibe liphuzu ELILODWA. (2)
- 5.10 Tshwaya ngokusetjenziswa ngepumelelo kwesithombengqondo esitholakala  
emudeni wama-26 wekondlo engehla le. (2)

**[18]**

**IMITLOMELO YESIGABA D: 35**  
**INANI LOKE: 70**